

A. 33. $\frac{11}{9}$ 79. Mss.


388



Dono dell'Autore


11 settembre 1879







Handwritten text in a cursive script, possibly a signature or a name, written on a piece of paper pasted onto the page. The text is oriented diagonally and appears to be written in dark ink.



Preambul

*Da diviàrs timp mi si presentà l'idee di
scrivi in furlan un racont. Ma ogni volte che chieste idee, o miôr
chieste bràme mi vigni in ghav, soi restad prest confusionad da
mil pensirs. Merite forsi il racont fatt in furlan? Tancè no scriv
in altre lenghe? A fà tasê ghesch pensirs cunvign che diclari che o fas
soltant par viodê se ries, lassand cûi lei, di giudicâ se ai fatt ben o
mal e se puevs sperâ in avignî di corèri ch'ei difieturxx che al ghatarà.*

28 Août 1879.

Eugenio - Francesco Marzari

[Faint, illegible text, possibly bleed-through from the reverse side of the page. The text is arranged in several paragraphs within a rectangular border.]



I

La mior glorie di vinsi
è di perdonà al vint.

Giusti

La gnott del 31 decembar 18...
ère tarde cuandche la nèv penze e cidine flocàve no ère to-
ghade che dal pùd di cuàlchi shocc. Ogni puiàrtè ère siaràde
e i ferai del pais di P..... cuasi dugh distudòis. L'orlòj de'
place batève un' òre e sar Tite al ère anghirniò su, in com-
pagnie di so fije. Anùte che spettavèn Mèni, sentas d'ònge
il fogolar.

Passà cussì mièzz' òre cence che sar Tite e Anùte
vessin vièrtè boghe, cuandche il pàri fo il prim a di:

— Un' òre mièzz' !.... La mè pariente pas-
se la mè bontàd par un fè cussì discul. E disint chètis,
si sintì bati t'è puiàrtè de' chase.

— Pàri, disè Anùte, ài sintud a bati..... Al è
..... Ecòlo chi.

Ed entràd che al fo, sar Tite, cun fa plüitost
brutt, ma che par altri esprimève l'affiètt di ver pàri,

i cridà:

— D'ontre ventu a chëste ore?

Mèni, confusionad, no savê ce dî.

— Tu no tû puèss respuindi.... La vergònze sèi dutte sòre di te. Vâ pur a durmì che si fevelarin doman matine.

Mèni in fatt lè a durmì cence vè displasê, mentri so sùr Anute provâ dül. Sar Tite la confuartâ e.... alin a durmì anghè noàltri, e prie Dio che to' fradi devènti bon.

Pitiras dugh te' lor chiamare, Anute no passà la gnott cence impensàssi di so' fradi che lève incuintri par piàrdi l'amor del pàri.

Intant vignù l'albe. Il cil l'ère cence magle, e il frid vève fatt de' nèv une glâce. Anute, che amàve il fradi, sintìve il bisogn di fevelà cun lui par slontanà ogni mal; e lu spietà postadamèntri d'ongè la puàrtè de' so' ghamare.

Erin lis vott cuandche Mèni vignù fur e Anute lu saluotà, e cun afiètt i disè:

— Mèni mio' ghar, il displasê che vin vüd jarsè re par te, l'è städ grand e il pàri plüi che mai l'è indignad di te. Parcè sèstu cüssi ghativ? Parcè vastu cun trisg compàgns. Tu sas pur che cui vâ cun lor piàrd ogni stime e si rovine par simpri? Dopo dutt tu ses in etàd di capù, cence che o' tal disì, che se il pàri cride lu fas par il

nèstri ben; che cence che noàltri si sfadijassin a lavorà, lùu
nus praviòd di dutt, che al cùr di cuistà un pòc di fortune;
al è l'amì mijor, e finalmentri nus lasse la so ròbe. Su-
jo Mèni cambie vite, - fas chèst plasè a to sùr. Alin
dal pàri a demandà perdòn, e a promèti di fà pulid in
avignù.

Mèni nol disè peràule, ma dimostrà di jèssi con-
tènt di fà ce che avè ditt la sùr.

Sar Tite accettà cun plasè i saluf dè fije, e viodind
il fè inzenoglad ai pùs di lùu che i demandà perdòn, i disè

— Isal fòrsi che tu demandis perdòn a nom
de' to ubidiènxe?

— Pàri mio'.....

— Dimi: Indulà sèstè stàd jarsère? in ostarie?

— No pàri: Io no soi mai vignùd fur dal lavo-
ratori di siòr Dree dopo mizdì, altri che un' òre devànt gnott
cul mio' amì Genio a.....

— Bèvi, s'intind. Sar impossibil che no tu us
mai capù di beughià e di là cun chell amì che ti sedus a
èssi, come lùu, plen di vixis. Ti ai ditt anchimò une vòlte che
chè compagne no mi plas par nessun cont, parcè l'è
un zòvin che nol pènsa che di fà mal a se stess e ai àltri; co-
me pur ti ai ditt che siòr Dree no mi plas par nùje, parcè
al è nassùd altri che par fà murì nei vixis lis biellis àrs;
e cun dutt chèst no zòve. Se tu amis par ver la pitùre, co-
me o' desidèri, fàti compagn di Rubens siòr di cùr, di
sàng e d'inrègn; - vâ a shatà il pàri Snijders bon religiòs e

brav artist, - ma siôr Dree no.

— Nel fevelâ cun siôr Dree, o' cir nujàltri che un mòmènt di plasê

— L'àrbul del plasê proibid nol fas che mal. Pense ben! Uè scomence l'an gnuv, ma chist al è l'ùltim di perdòn, e te l'acòrdi come une prove

— Ah zhar pàri, disê Anùte, no scomenci chèste xornàde par mio' fràdi cence che nol ièvi la vuestre benedixion, parcèchè, come olès che. Mèni si corèxi se Dio, se la mè buine mări, che è in cil, e se vò stess no i ses di ajüd?

— Pàri mio' perdonàit ogni mio' fall e us promèt in avignû di jessi bon. Dàimi la vuestre benedixion

— Ben, o' te doi anche une voltè, e puièdi la mè berredixion fà la to ànime buine di virtùd. La pas sei cun te. Elu benedì.

Un' òre dopo, mientri sar Tite fo visitad dal so' grand amì, Pauli, Anùte e Mèni lèrin tē' galerie che il barbe di lor pàri al vève fatt lascit a lui. Chèste galerie ère furnide di biellis e presiadis pituris, ma Mèni, ispirad da altre idèe, dimostrâ che dutt i fas lèdie, e voltànsi cuintri Anùte i disê:

— La vite che il pàri ùl che o' fàsi no mi plàs, parcè mi seche, mi oprim e mi dà fastidi. Jo no puiess restà tant timp cussì. Ce mai iè la ghàse di nēstri pàri? Par te è un paradìs, par me, une presòn. Un pensir grand mi clàme in altri lùg. Odi un studi

che mi comande une vite che no soi nasgüd par fäle.

— Ghàr fràdi, tu sas pur che tè' nèstre famèe è usànxe che.

— Si si, o sà. Il prim che al nasc al è om di töghe, il segònd di glèsie.

— No ise chisté une onoràde carière? Ghàle, Mèni, chèsgh di pùnx dei nèstris nonòs che cun l'èsèmpli provin che la töghe è tignüde cun ambixion. Viòd chi Luan sacretari di che par paüre di jèssi copàd, al disè a Pipo II lis lagnànxis che il popül al olève fà cuintri di lui. Viòd là Pipo, nèstri nonò, copàd dai nimis de' vèrè fede. Viòd, in tìmpo plüi antigò, Colò, l'arni grànd di Luan IV. No convint di dütt chèst ustü là prèdi? Se tu àrnis chisté carière, no vè paüre che il pàri, par viodèti content, ti secondarà, e cussì poderin dè che tè' nèstre ghàse al è stàd anche un prèdi.

— No tū capissis, sùr mè. No è chisté la glòrie che mi spìnx. Se il mio' cür bät fùg e flàmis nol è nasgüd par jèssi sfrenxud sott une vièstè di còlor bronzin o sott une tonie di prèdi. Altre ghòsse mi fas bisügn: la libertàd, i viàxx, la uèrè. La stànxe fodràde di libris e di bergaminis, dulà che mio' pàri al üel che o' mi distrüsi, è par me une seppoltüre. Ti xürì, Anütè, che o' mur in ché ghàse di antigàe e sott chisté crudèl tutèle, - e se cuàlchi volte cür di baracà, al è sòtant par dismenteà lis mes ghàdènis

— Mèni mio', bütè di bande chèi ghativis pen-

sirs. Disève nêstre mări che la vere libertàd stâ te' anime,
che libâr al è ciû che al mett sott i pûs lis sos passions, e
ciû lis sopuârte, al è un slav. Dunche, Mèri, ubidis
la mări, parcèchè lis promissions fattis da Dio ai fîjs
ubidiens no àn mai falàd.

— Trovarài, ma.....

— Chèst baste. Jo preàrai par te la Madò-
ne, e nêstre mări che nus scòtte dal cil.



II

L'anime risolude no

à orelis.

Giusi.

Chèst an, scomençad cussì di pòc
confuàrt, corè prest come une l'avie che uàste lis visinis cam-
pagnis, puartànd vie la speranze de' ricoltè e de' vendème.
Di tratt in tratt Mèni dè segnàl di mantignù la promis-
sion fàtte, e sar Tite nol manghià di contentàlu di ogni
ghiosse. Come pàri poi sintìve il dovè di corèri il propri fè
ogni vòtte che al fasève des manghangis, e, une vòtte, pensà
postadamèntri di clamàlu tè' so ghàmare par dè chèstis
peràulis:

— Anghimò no tu saras persuàdud de' carie-
re che o' desidèri che tu fasis par cuistà un gran nom e par
salvà il ricuàrd di chèste famèe da dugh presiàde come la
plù artige e righe del país. Ma la to idèe cuale ise? Par che
un gnùv pensèr disturbì la to ment, e che nol sei nùje bon
par vè une vite onoràde. Ghar fè tu sas quant ben ti uèli,

e quant cir di complasèti par che tu deventis di cuàlchi ghosse. Se il pensir ti clame a une divèrse e buine vite, vò d'aur; ma se chèste vite no fas che prejudicà par sim- pri il to' avignù, slontane prest chell pensir. Segui la vo- lontad dei vièlis no si fale mai; - e o' che soi vèsto e pari tegn a menz anche chèste. La carière des axions, scomen- gè te' famée. Ubidì, rispetà e judà son tre dovès che i fijs devin avè viars il pàri e la mări. Nije plüi just al è che puartà lor amor e ubidiènze, parçè il fi che mòv lispiàlis cuandche il pàri o la mări lu corezin; che seveli o rispuiindi cun disprezz; che giòldi cence nessun pensir ogni sorte di divertiment, mèntri lor son te' mi- sèrie, son ghössis che fasin sgrisul, nè puèss sperà mai ben. Vicevèrse poi un fi che cun lis peràulis e fatts cir di rico- gnòscisi viars so' pàri e so mări; che no fas nije d'im- puartant cence il lor consèj e in dütis lis sos ghössis cir di complasi, ch'est fi, al è content te' sèi lavors, presiad dai umign e benedett da Dio.

A chèstis peràulis Minì dimostrià buine volon- tad di mudà vite, cundidè di bandonà ogni sorte di compagne, di ubidì il pàri e di studià cun amor. Ma no lèa vie tropp timp che vint novamèntri des sos bràmis di slontanàssi de' ghàse, fasè t' un lamp cambia- mènt, e scomengà a stà fùr la gnott, sin a òre tarde.

Lo sùr Anitè, lu spietà. Procuràve di dè cuàlchi peràule di afiètt, fasind cognòsci anche il rimuari che al vève viars il pàri. Tuar afiètt che a pène a pène otgnive

di placà te' matine daür di fà invelegnà il pàri!

Sar Tite, irabiad par un fi prime tant amad,
sintive ogni di vigni mancùl il so' amòr, -

L'an nol rivà anchimò al so' tiarmid che si
verificà la stabilide disgràzie di Mèni. Une sère, mèntri
fo spietad da so sùr e da so' pàri capitàrin invece dos lètariis:
une a sar Tite, l'altre a Anute che savè scuindi cence che
nessun vess podiud inacuarrisi. Cui scrivève la prime?
Mèni. - Cui scrivève la segònde? Il moròs di Anute. - Se
disève chèste? Lu dirai in altri lug. - Se disève ché? Disève
che sind vignud otim usà dei diritts dàs dè' etàd, e che si
slontanàve de' ghàse parcè al ère stufad di sinti simpri
a cridà, e parcè olève fà pròve de' fortune indulà che il pen-
sìr lu vève clamad. Domandà poi al pàri e a la sùr
scuse e perdòn di dutt. Chèste lètare butà Sar Tite in grand
dolor, e par cuàlchè zornàde no podè neanghe atindi ai
siei afars. - Anute cirì ogni mièxx par lizeri il dolor e la
svindicaxion del pàri cüntri del fi, e za la passion lave
di di in di disfantansi cuandche une persone vigni tè'
ghàse, a nom di Mèni, e reclamà la purizion di eredi-
tàd de' mairi, fasind cognosci che, usand de' libertad, al
vève ghòtte une femine un mont puàre.

Sar Tite, invelegnad novamèntri, lu maledi-
nùje zovand la prejère de' fi, par slontanà la fletème
causionade dal fradi.

III

Àme cii ti àme e rispuiind
a cii ti clàme.

Piusk.

Da chell di ogni memòrie di Mèni
fo bandonàde, - il so nom disnotàt dal' artùl de' fa-
mèe, - il so' ritratt brusàd, - la so ghàmare siaràde e proi-
bid di clamà il so' nom. Il so' falà dimostrà cun chist
che foss piardùd par fin la memòrie che al ère viv.
Cun dutt chist, la so figure steve simpri tra il pàri e la
sür e, soèave in lùu une triste passion e in je un grand
displasè. Ma ce podève fà il displasè di une frutàte de-
nànt il disprezz di un pàri cussì burlàd?

Deventàde jè sole l' afiètt del pàri, si viodè
colme di ogni ghosse, ma che no pàscin il cùr. Avève
simpri in shav il fràdi e il moròs, parcè avève paure che
il pàri nol foss content, nè mai oisà pàndi chist secrèt.
E ché letàre, ché mai vè lett par jessi stàde simpri da-
prùv so' pàri, ghata il momènt une zorràde che fo nel

zardin, e par pàire che cualchi dun la ghàlass, si plàtâ
sott un salgàr. Ère scritte cussì:

17 Lugn 18....

Chare Anute

Par motiv di servizi, no ài mai podùd ghata
che chèst moment, par fàti cognosci che il mio stàd di
salùd fo sempri bonissim, e o' spèri che sèi anke il to'.
No dubità, che o' no ti vèvi sempri in cùr, e che mantè-
gni la promission fàtte prime di là vè.

Ti fas savè che, fra pòc timp, o' vègn a ghàse, e
cussì combinarin ogni nèstri afàr.

O' spèri, anke sòi sigùr che to' pàri sarà a co-
gnoscinze di mè, par cùi ti ài fàtt vignì chèste, t'è to ghàp.
In tant ti salùdi, e a rivòdisi in curt.

Il to'

Luvigi

Teraùlis o' no varès par esprimi ce che provà
Anute nel lèi che' letàre che ognun pò da se ideà ce che si
pròve t'è etàd di disesiètt agns, etàd che il cùr sint il bi-
sugn di puartà amòr.

O'ève rispuindi, se altre idèe nol avèss in chell
moment istèss ditt di spietà di pàndi, prime al pàri, chèst
amòr.

Sar fite ogni di plù i puartàve amòr, e la col-
màve di ogni ghòsse. Ma lis sos galantàris, èrin invece di
smentèadis tal baul. Diviàrsis vottis, ghàlând ches richèr-
zis, pensàve al fràdi e disève: E Mèni, forsi, varà bifiagne!

Da gran pièxx no savèvè la sorte di Mèni, par-
cè nêssun fovelâ, nè lui avève dàd gnòvis, e cheskh pensirs,
tignivin turniàd il so' cûr.

Une sêre di autûm, stàve sintàde denànt un
balcôn a plan terèn, che al ère de' bande del curtil de' sha-
se, che fasève zirà il filatôj. Spiràve te' so muse la blanchèx-
ze, l' amor, il duil. Ère une ghôsse d' inghànt.
Forsi chèste virtùd sburtâ Mèni, che segretamèntri entrâ
tal curtil e... dè un sospir. Anùte alxà i vòj e vis-
dènd so' fràdi.

— Oh Dio! disè, Mèni, sèstu tu, fràdi mio'?

— Oh sùr, soi jo.

— Tèntre... Mio' pàri... nêstri pàri
l'è lad fûr par afàrs. Tèntre... No stâ vè paùre.

— No... No soi jo il fè maladètt?... Olevi
soltant viòdeti prime di partì par un lung viàxx. Domàn
o' vòi in Amèriche e la mè femine e i mèi fîs van te'
ghàse di un mio' pàrint. Vedarà se puiess fâ fortune.

— Fràdi mio', nâje o' puiess par te? Ah se a
noàtris foss podùd di placâ nêstri pàri!

— Jo i ài puartàd ofèse, e lui al à resòn di u-
sà del so' diritt.

Anùte là vie un momènt, e tornâ cun un
baùl plen di robe.

— Fràdi mio', chèstis robis son mes, e o' puiess fâ ce
cheuèi. Tuèdi il pièxxul ajùd che ti fâs, jèssi il prim de'

to' biune fortune.

— Jo, Anùte, no uèi vè. Ai des manghianxis,
ma chëstë no uèi vè. Mi bastë chës monèdis che ài vuol
di creditàd di nèstre mări, e tu tegn cont di ce che tu as
del pàri.

Anùte dèive par fuàrre, ma no rovà.

Mèni ghalà la ghàse di so' pàri, stenzè la
man di so sùr e

— Mändi Anùte, i disè.

— Mèni, sarastu felix?

— O' varà ce che mi ài meretàd. Mändi
Anùte.

— Fràdi mio' ghar..... mändi.

È si slontanà.

IV

Ogni via ùl il so' pal.
Giusti.

Si fasè indenànt il timp che Gigi tornà-
ve a ghàse e Anùte no avève anghimò pandùd chell se-
crèt amòr che la tegnìve te' passion, nè sar Tite fo mai.
inacuart che ch'è passion foss par chest afàr, ma pluitost
par il fradi.

Une sere, cuandche il timp si fasè brutt e
che capità la bisseböve, Anùte ire cul pàri tal tinell che fe-
velàve e te' sièi discòrs provà a dè anche ch'èstis peravùlìs:

— Cui sà mai in ce pericùl si ghàte cumò la
nar di Mèni!

— Mèni!..... Tu, nò tu as plù fradi, come jò
no ài plù fe. Altris fìs jò no ài che te.

— Pàri mio, la vüestre bontàd mi confond,
ma püar Mèni!

— Tu savaràs che cui ghàte sùise ài trigg, fàis
caüse cun lor, e tegn a mènz che ogni peravùle sòre

chêst propòsit è proibide tē' mē ghàse.

Anùte no olà ticià il pàri, e spietà invece il moment plüi bon par mēti une peràule di pas a favôr di so' fradi. Ma ogni sèire fo di band.

Erin passàss cinc' agns che Mēni al ère fujid di ghàse. Sar Tite, vighnùd vegho, sintire ognidignè mian cul lis fuàrris de' vite, e al bramàve di viodè maridàde so fije. Venonè une zornàde la clamò tē' so ghàmare par di chēstis peràulis:

— Fije mē, i agns crēssin sòre di me e, arnàrēss, prime di lassà chēste vite, viodèti maridàde pulid. —

Diviàrs partis ài vud, e un soltant ài scielt. Chēst al è il cont Albàn Rossetti. La so richēsse è ual de' to, e la stime, che giòld in pais, l' à cuistàde cul so' contegno e rentilexze dei siēi custums, Ce distu tu?

— La scielte di un stad è di grande buride, pari mio', e lassassi menà a tor da caprixzos pensir è debolēsse. Il cont Albàn no mi displàs, e vulintir lu gholarès, se il mio' amòr nol foss impegnad.

— Come?

— Sì, pàri, àmi un zòvin, e perdonaimi se cumò us diclàri chēst secrèt.

— Continni: Cui isal chell zòvin? Quand astu fatt cognoscinze?

Anùte tremànd i disè:

— Un an e miēxx, al è stad domēnie vott di, che land a messe, incontrai il fè di siòr Guàld Pinel

che mi salutà e disè se ài in contrari la so compagne. Io
ài ditt di no. Finide la messe, Vigi si complasè novra-
mentri fami compagne infin a la puarte de' ghase,
e dopo di vè ditt des peraulis, lu ài lassad cun un salud
e strète di man. Us confessi, pàri, che ogni peràule e gha-
lade, disève che noàtris si olin ben.

Dutte che' zornàde, e par diviars dis, no podèvi
stà cidine, e mi parève simpri di vèlu d'ongè di me. Ma,
no là tropp timp che tornai a viodilu, cuandche o' lai a
ghatà une mè compagne, e in che' vòlte, ài vud une sigùre
pròve del so' affett par me. No sarès stàde cussì infin uè se
Vigi no vès promittud anghè cun une letàre che capità
cuandche scrivè mio' fradi Mèni. Chèst, e nùj'altri, al è
il motiv, che rifiudi la man di Albàn.

— Strani un mont al è il to' svelà! Capiss che
la zoventud, al di di uè, no fas l'amòr a giàte uàrbe come i
nonis di une vòlte, ma il to' dovè jère simpri di di prime
a to' pàri, e acòlxi ogni miòr consèj.

Cuant a chell fantatt, lu cognòs che al è di
buine famèe, e nùje ghàti di di. Ma se ti perdòni parcè ài
provis che il to' cùr al è disponiud par il ben e che la to man-
ghànre no è tant grànde par jèssi divièrsamèntri, no di-
mentèa, par altri, di tignù a mènz, come ultim ricuàrd, ce
che ti dis: Lis tos spesìs no sedin plù grandis de' entràde,
e tes tos robis cùr di jèssi d'acòrdo e in buine pas, parcèchè
indulà che mànghe la pas, al è l'infìar. Se il matri-
moni ti darà dei fijs, la miòr eredità, che tu puiess lassà,

è une buine educarion, e l'om plii l'è educad e plii l'è
bon. Ricuàrditi anchimò che il mond al à plii bisùgne
di galanzimign che di dotòrs, e fasind cussì, tu podaràs spietà
da lor un cambio di amor e di ajüd.

Chèstis perautis ingroparin il cùr di Anute che
a pène podè dî:

— Pàr mio, ogni vüstri consèj sarà mitud
a pro.

V

Il dismenteà l'è il
rimiedi de' vendète.

Giusti.

Car Tite no fo ingianàd del so' pinsir, parçè
doi mès dòpo che fevelà cun so' fije, i vignì un colp, che par al-
tri fo diliberàd de' muart, ma restà impotent. E cun dutt chell
jère cul pìd d'ònge la buse, avìve neàd il perdon al fi, plüi
vottis domandàd da Anùte.

Confuartàde in cür, ma in aspìett cujètè,
cercenàve so' pàri des plüi grandis curis, e i parève di viodè a
pòc a pòc slontanàssi il pericül, cuandche une sère di au-
tüm ^{viodè} lü, dutt in un tratt, bandonàd sul so' caregon senze
movisi e impicotid. Ciri di fevelà, e a stent podè dè:

— Geimi cuàlchi ghapitül del vanzèli.

Anùte ghotè chell libri e accidentalmentri lu
viarzè a la parabòle del fi discul. Cuandche fo a lis pe-
raulis = cumò cunvignive di fa fiestè, e di giòldi, parçèchè
ch'èst to' fràdi al jère muart e al è tornàd a vivi, al

jère piardùd, e al è stàd ghatàd = si butà ài pìs del
pàri disind:

— Mèni..... il mio' fràdi..... perdon..... Per=
don pàri.....

Il pàri al jère ra vint; Dio i vèr fevelàd.

VI

Epo?

Un mès d'òpo la muart di Sar Tite vignù a ghàse il nuvizz. Anùte ère a cognoscinze, e pòc impuartàve, come di jèssi restàde uarfine di vinch e d'ò agn, anche del pàri. Di viàrsi voltis l'ompr di ghàse l'avève viodùde a vajù e la confuartàve; ma nùje zovà, parcè la passion i puartàve vie il cùr. Il so' aspiètt l'ère istess, cuandche viodè Gigi che postadamentri vignù a ghatale e che i domandà scuse del so' ardè.

Auri scuse tù, Gigi, i disè, se no ti fos compliment, che tù savaràs il motiv parcè il mio' cùr l'è cussì strent.

— Animo, Anùte, no stà vajù. O' capiss che la piàrdite è grande par sintè la manchanza di un pàri cussì bone da te àmad cun afiètt; ma bisugne istess dàssi coragio parcè cince coragio no è virtù. Brodistu che anche a mi no displàsi di no vè viodùd anche une vòlte to' pàri?

— Dutt vâ ben, Gigi, ma pur no puèss dà pas al
mio' cur.

— No stâ jèssi cussì. Tense che in curt noàltris sa-
ràn in compagnia, e mio' pàri e mè mări son contentôs.

Dopo di jèssi tratignud cun Anute a fevelâ cir-
cumcirche un'ore e mierre sàre chist afâr, lê vî con pro-
mission di tornâ a ghâtâle. —

VII

Des virtuz di elsesch spos,
clare è la prove.

Lorutti.

Quindis diś dopo che' visite, diviarsis persò-
nis erin in une stanxe de' ghàse di sar Tite. Fore une taule
e visin a un calamar d'arint, ère une ghànte scritte e si-
gilade. L'ère il test di sar Tite Tillegem. Dugh stavin ci-
dins par sintì la ùltime volontà, cuandche Anùte di-
sè al nodar:

— Lùin dungsche po sigurà che mio' fràdi l'è vi-
gnùd?

— Sì, parcè la nàv è capitàde infin jarsère

— Ghestè è une pène, disè un dei parints, di dovè
spietà tant timp, e si varès dovùd fà par miexx di un
delegad.

In fatt capità, e il nodar, dòpo vè fatt cognòsci il
motiv de' clamàde, disè:

— Darai dungsche letture di ghest' att.



„L'an 18... il di 21 di jugn in.....

„ Io Tite Tillegkem cuòndam Troöpar san di ment e di
„ cuàrp, ai fatt di mè man, chëste ùltime volontàd:

„ Avind ricevüd da mio' fë Mëni ogni sorte di ofësis,
„ di clàri in chëst' att di privàlu de' creditàd che di vud dai
„ miei nònos e da me cressüde coi uadàgnj, e di lassàle inve-
„ ce a mè fije Anüte, la cuàl creditàd è chëste.....

Tite Tillegkem

Finid che avê di lei, Anüte i diê:

— La robe di mio' pàri è mè? e püess fà ce che mi
plàs?

— Sì, parcè l'att l'è ben fatt.

È Anüte cince di peràute, ghapà il test e lu sbregà. Io
diê a so' fràdi:

— Mëni, mio' ghàr, il pàri t'è a perdonàd, e o' man-
tëgn la so ùltime volontàd. Spartin tra noàltris la so' robe,
e provin a vivi in pas.

Chëst fatt savê cun maravèe dutt il pais, e t'è
zornàde istesse la famèe di Gigi desiderà di viodèle.

Combinàd ogni afàr, savê pur il pais che Gigi
e Anüte si èrin ghòlts, cuandche l'èrin in glèsie a ghòli
la benedixion compagnàs dai parints. La glèsie in t'un
moment fo plene di int a curiosà e dal lor cür no si
sintìve^{a di} altri, che son doi agnùr che si àmin e che si ama-
ràin infin a la muàrt.

È in fatt Anüte vivê contente e cun onora-
tëxe, mèntri so' fràdi, menà par cualchi^{an} une vite di

stent, e zòvin anch'èrno, muri, lassand la femine e i ffigli
te' miserie.



